



Շուշանիկ Կուրդինյան

Գեթ մի վայրկյան մրրիկ լինել . . .

Գեթ մի վայրկյան մրրիկ լինել
Կուզեի՝
Կյանքի հովտում ընթաստ թափով
Շրջելու:
Սլանայի՝ կայծակ որոտ
Տեղայի՝
Սրտիս թույնը ամենուրեք
Թափելու:
Գեթ մի վայրկյան դժոխք լինել
Կուզեի՝
Խռովելու անդորրությունը
Երկնի:
Վշտի շնչով այնտեղ անհաս
Իշխեի՝
Ոգիներին տեղի տայի
Չարքերի:
Գեթ մի վայրկյան աստված լինել
Կուզեի՝
Շուրջս ամպեր երկրի արյունով
Ներկրված,
Որ տանջանքի հեծկլտանքը
Լսեի՝
Գիշեր ցերեկ իմ դեմ դիակ

Հոշոսված:

1906 թ .